

西安碑林全集

開成石經

第一四〇卷
禮記

用勞矣博施備物可謂不
匱矣父母愛之嘉而弗忘
父母惡之懼而無怨父母
有過諫而不逆父母既沒
求仁者之粟以祀之此
謂禮終樂正子春下堂

病傷其足數月不出猶有
憂色門弟子曰夫子之足
瘳矣數月不出猶有憂色
何也樂正子春曰善如爾
之問也善如爾之問也吾
聞諸曾子曾日子聞諸夫子

曰天之所生地之所養無
人爲大父母全而生之子
全而歸之可謂孝矣不虧
其體不辱其身可謂全矣
故君子頃步而弗敢忘孝
也今予忘孝之道予是以

有憂色也壹舉足而不敢
忘父母壹出言而不敢忘
父母壹舉足而不敢忘父
母是故道而不徑舟而不
游不敢以先父母之遺體
行殆壹出言而不敢忘父

母是故惡言不出於口惡
言不反於身不辱其身不
羞其親可謂孝矣昔者有
虞氏貴德而尚齒夏后氏
貴爵而尚齒殷人貴富而
尚齒周人貴親而尚齒虞

夏殷周天下之盛王也未
有遺年者年之貴乎天下
久矣次乎事親也是故朝
廷同爵則尚齒七十杖於
朝君問則席八十不俟朝
君問則就之而弟達乎朝

色矣行肩而不併不措則
見老者則車徒辟斑白
者不以其任行乎道路而
弟達乎道路矣居鄉以齒
而老窮不遺強不犯弱衆
不暴寡而弟達乎州巷矣

古之道五十不爲甸徒頒
禽隆諸長者而弟達乎搜
狩矣軍旅什伍同爵則尚
齒而弟達乎軍旅矣孝弟
發諸朝廷行乎道路至乎
州巷放乎搜狩脩乎軍旅

衆以義死之而弗敢犯也
祀乎明堂所以教諸侯起
孝也食三老五更於大學
所以教諸侯之弟也祀先
賢於西學所以教諸侯之
德也耕藉所以教諸侯之

養也朝覲所以教諸侯之
臣也五者天下之大教也
食三老五更於大學夾子
袒而割牲執將爵而饋執爵
而酹冕而揔干所以教諸侯
之弟也是故鄉里有齒而老

窮不遺強不犯弱衆不暴
寡此由大學來者也天子
設四學當入學而天子齒
天子巡守諸侯待于竟天
子先見百年者八十九十
者東行西行者弗敢過西

行東行者弗敢過欲言政
者君就之可也壹命齒于
鄉里再命齒于族三命不
齒族有七十者弗敢先七
十者不有大故不入朝若
有大故而入君必與之揖

讓而后及爵者天子有善
讓德於天諸侯有善歸諸
天子卿大夫有善薦於諸
侯士庶人有善本諸父母
存諸長老祿爵慶賞成諸
宗廟所以示也昔者

建陰陽天地之精立以
爲易易抱龜南面天子
冕北面雖有明知之卷心
進斷其志焉示不敢專以
尊天也善則稱人過則稱
己教不伐以尊賢也孝子

將祭祀必有齋莊之心以
虞其事以具服物以脩宮室
以治百事及祭之日顏色
必溫行必恐如懼不敢
然其奠之也容貌必溫身
必詘如語焉而未之然宿

者皆出其立卑靜以正如
將弗見然及祭之後陶陶
遂遂如將復入然是故慤
善不違身耳目不違心思
慮不違親結諸心形諸色
而術省之孝子之志也建